

Օրէնքի դիտակցութիւնը, որ այնպէս թուլացել է մեզ մօտ, պէտք է ուժեղացուի, և յանցաւորները պէտք է պատժեն անխնայ: Պատերազմի արհաւիրքների արդիւնք բազմազար գաղթականութեան վիճակը թեթեացնելու և պարենաւորման սուր ճգնաժամը մեղմացնելու խնդիրը կառավարութեան լուրջ հոգսերից մէկը պէտք է լինի:

Լայն ընկերային խնդիրների մասին մենք չենք խօսում այստեղ, որովհետեւ մեր նպատակն է ընդգծել մոմենտի հարցերը: Ինչ ասել կուզէ, որ առաջին իսկ հնարաւոր դէպքում կառավարութիւնը կը զբաղւի սոցիալական լուրջ բարենորոգումներով, և այստեղ կարիք չկայ բացատրելու բնոյթը այդ բարենորոգումների, որովհետեւ նրանք բղխելու են սոցիալիստներից կազմած կառավարութեան աշխարհայեացքից:

Ապաւինելով Հայաստանի աշխատաւոր ժողովրդի ուժաւ ուժերին և յենւելով խորհրդարանի վստահութեան և անկեղծութեան վրա՝ կառավարութիւնը կը լարէ իր բովանդակ ոյժը, որպէսզի հեռու պահէ երկիրը արտաքին փոթորիկներից և տայ ժողովրդին խաղաղութիւն և անարգել գարգացման հնարաւորութիւններ:

Մեր բոլոր փափաքն է դարձնել ազատ և անկախ Հայաստանը ապահով և բարգաւաճ:

Դեկլարացիան ընդունւում է երկարատե ծափահարութեամբ:

Պատգամաւոր Ս. Թորոսեան. — Հայաստանի խորհրդարանի պատգամաւորներ, Հայաստանի անկախութիւնը, որի համար երազել են տասնեակ տարիներ և դարեր շարունակ, կեանքի կոչւեց շատ ծանր օրերում, երբ աշխարհի հզօրները բաղխւում էին, երբ կառավարութիւնը չէր կարող ուրոյն ճանապարհով գնալ: Նորակազմ փոքր պետութիւնների, մասնաւոր մեծ ճանապարհների վրա ապրողների դրութիւնը շատ խախտւում էր:

Մեր ցանկութիւնները չեն իրադրուել, որովհետեւ բաղխւելով ուժեղների կամքի հետ՝ ջարդւում են: Մեր հանրապետութեան նախկին կառավարութիւններն ունեցել են սխալներ: Սխալներ կուենայ նոր կառավարութիւնն ևս: Բայց այդ սխալները նման են նորածնունդի արարքներին: Մեր հանրապետութիւնը նորածնունդ է՝ երկու և կէս տարեկան: Նրա կեանք առնելու նախօրեակին կատարեց ռուսական մեծ յեղափոխութիւնը, երբ ամէն ոք լցւում էր նորանոր ցանկութիւններով և ձգտումներով: Դեգերումների նպատակը նորը և լաւը գտնելն էր, որ սակայն, չէր գտնւում: Վերջին դէպքերը մեզ ապացուցեցին, որ մեր հանրապետական գօրքը որակով էլ այնքան բարձր չի եղել, ինչպէս քանակով: Կառավարութեան դեկլարացիան լսելուց յետոյ անհրաժեշտ ենք համարում ասելու, որ նախ գօրքի լաւ մարդէլը նպատակ դարձել, աշխատելով որակը մեծապէս բարձրացնել: Լայն ուշադրութիւն դարձնել տեղական ինքնավարութիւնների գարգացման և ուժեղացման վրա: Արդարադատութիւնը և դատարաններն ուժեղացնել՝ ստեղծելով իսկական ուժեղ դատարաններ, խստիւ պատժելով բոլոր յանցաւորներին և չարագործներին: Խնամատարութիւնը, որ բարեկարգ վիճակում է եղել, աշխատել չթուլացնել: Հաղորդակցութեան վրա դարձնել ամենամեծ ուշադրութիւն: Գաղտնիք չէ, որ հաղորդակցութիւնը շատ թույլ է մեզանում: Հաղորդակցութեան կանոնաւոր միջոցներից է կախած մեր ներքին բնականոն կեանքը: Նորմալ հաշտութիւն կնքել Ադրէջանի հետ, որի հետ կողք կողքի վիճակւած է մեզ ապրել, պահպանելով խաղաղութիւն և բարեկամական յարաբերութիւններ: Հայաստանը՝ Հայաստանում ապրող ժողովուրդների հայրենիք է. պէտք է ուժեղացնել ներքին համերաշխութիւնը: Թիւրքիայի հետ պէտք է